

Gvangjsih Minzczuz Bau

广西民族报 ganhhau: CN45-0036 B.2021 Nd.1 Ng.13 liggaeuq gengcej nienz ndwenlab coit

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzczuz Bause
Geizsoq: Gungh daih 3457 geiz
Geiz neix 8 banj

Cunghgung Cunghyangh Yaenqfat 《Aen Diuzlaeh Hong Dungjyiz Cansen Cunghgoz Gungcanjdangj》

Geij ngoenz gonq, Cunghgung Cunghyangh yaenqfat 《Aen Diuzlaeh Hong Dungjyiz Cansen Cunghgoz Gungcanjdangj》 (bahlaeng gangj dinj baenz 《Diuzlaeh》) gaij ndei de, caemhcaiq fat dunghcih, heuh gak dieg gak bumwnz ciuqhengz.

Aen 《Diuzlaeh》 baezneix gaij ndei de, aeu Aen Swhsiengj Sevei Cuiji Miz Gij Daegsaek Cungguek Seizdaih Moq Siz Ginbingz de vixyinx,

haeujaeg ciuqhengz daemxdaej gij swhsiengj youqgaenj Siz Ginbingz cungsiuhgi gangj gyagiengz caeuq gaijndei hong dungjyiz cansen, dingj-maenh caeuq gyagiengz dangj gyonj-comz daiqlingx hong dungjyiz cansen, yunghrengz hawj hong dungjyiz cansen gohyozva、gveihfanva、ciduva suijbingz lai sang, neix dwg gvigawj daeuz youq seizdaih moq guh hong dungjyiz cansen aeu ciuqhengz. Gaij

ndei caeuq saedhengz 《Diuzlaeh》, ndaej langh rengz ceiq lai gyamaenh caeuq hwngfat yiengh gyaec guek dungjyiz cansen ceiq gvangqlangh, gizgiz hwnqguh aen guekgya yendaiva sevei cuji、saedyienh aen loqsiengj Cungguek Cunghvaz minzczuz fukhwng hungmbwk, mizyungu youqgaenj dah-raix.

Dunghcih iugouz, gak gaep dangjvej (dangcuj) yaek haeusim

hagsib senhconz caeuq ciuqhengz 《Diuzlaeh》 daemxdaej, hawj gak gaep dangcujciz caeuq gak gaep lingidauj ganbu daezsang dungcan yisiz. Cunghyangh Dungcanbu aeu caeuq mizgven bumwnz doxgap gyagiengz coi hong caeuq vixyinx, bauj 《Diuzlaeh》 ndawde gak hangh gvidingh ndaej ciuqhengz daemxdaej dahraix.

(ciuq Sinhvasze)

Sanhgyangh: Mbanj Duncuz Angqhoh Ciet Gingjaz

1 nyied 10
hauh, Sanhgyangh
Duncuz Swciyen
Gungh' anghiz youq
ndaw yienhsingz
Dohyeh Gvangj-
cangz banh hozdung
angqhoh daih' it aen
Cunghgoz Yinzminz
Gingjazce. Dingq
bouxminzgingj geq
soh book gangj goj-
gaeq caeuq boux-
yawj bouxdingq
doxcan doxhan
vanzlij guh hozdung
senhconz cawjdaez
110, ok rengz caez
langhbaiz yiengh-
siengq gingjaz
mbanj Duncuz.
(Gungh Bujgangh)



Aen Hoih Daengx Guek Senhconz Bucangj Youq Baekging Hai

Langh Rengz Caez Senhconz Angqhoh Laeb Dangj 100 Hopbi Gangj Gij Gojgaeq Dangj Ndeidingq Ndeiyawj

1 nyied 6 hauh, Aen Hoih Daengx Guek Senhconz Bucangj youq Baekging hai. Cunghgung Cunghyangh Cwngcigiz cangzvej、Cunghyangh Suhgicu suhgi Vangz Huningz camgya hai hoih caemhcaiq gangjavah. De naeuz, raeuz aeu dingjmaenh aeu Aen Swhsiengj Sevei Cuiji Miz Daegsaek Cungguek Seizdaih Moq Siz Ginbingz de vixyinx, gyagiengz “seiq aen yisiz”、dingj-maenh “seiq aen gagsaeng”、guh-daengz “song aen henhoh”, hopheux hongsaeh hainduj “cibseiq haj”、hwnjdin byaij roen moq, hawj hong-

saeh angqhoh laeb dangj 100 hopbi lwenqda lailai, yamq maenh guh ndei hong senhconz swhsiengj, ok gij swhsiengj baujingq maenh'onj caeuq rengz cingsaenz giengzak de hawj raeuz gizgiz hwnjguh aen guek-gya yendaiva sevei cuji hainduj ndei hwnjdin ndei.

Vangz Huningz vixok, guh ndei hong senhconz swhsiengj, aeu hagsib ciuqhengz Aen Swhsiengj Sevei Cuiji Miz Daegsaek Cungguek Seizdaih Moq Siz Ginbingz de dangq aen cwngci yinvu hungdaeuz ndeu. Aeu comz gij rengz daengx diuz cansen de

senhconz gyauyuz angqhoh Cunghgoz Gungcanjdangj laebbaenz 100 hopbi, gangj gij gojgaeq Cunghgoz Gungcanjdangj ndaej ndeidingq ndeiyawj, geiq maenh baenzsaeh hungmbwk、byaijok baenzsaeh lwenqda.

Cunghgung Cunghyangh Cwngcigiz vejyenz、Cunghsenhbu bucangj Vangz Gunhmingz guhdaeuz anbaiz saeh aen hoih neix caemhcaiq nda hong coglaeng.

Cunghgung Cunghyangh Cwngcigiz vejyenz、Gozvuyen fucunglij Sunh Cunhlanz camgya hai hoih.

(ciuq Sinhvasze)

SIUSIK DINJ

● 1 nyied 5 hauh, ciuq gijsoq Swcigih Caizcwngdingh ok de, miz binghra q bwtndat caeuq gij cwngcwz daih gyangq-daemq cienz sou sui, hoeng bi' gvaq daengx gih cujiz caizcwng souhaej 2800.61 ik maenz, neix roengz giek maenh hainduj ndei duenh “cibseiq haj”.

(Cauh Hungmeiz)

● 1 nyied 8 hauh, youz Swcigih Sanghvudingh vixyinx, aen hozdung bi 2021 Gvangjsih daih' it gaiq cietmakgam gwnz vangj de youq Nanzningz Gozci Veicanj Cunghsinh banh, aen hozdung neix youz Gvangjsih Loihmakgam Dajndaem Hangnieb Hezvei、Gvangjsih Sanghmou Fuzvuyez Fazcanj Cuzcinvei guhdaeuz banh.

(Vangz Coz)

● 1 nyied 6 hauh, Lozyez Dunghyung Gihcangz hanghmoeg cingsik haigoeng guh, aen gihcangz neix dwg daengx gih daih' it aen gihcangz doengyungh yienh gaep ndaej baecinj guh, hix dwg aen hanghmoeg daeuz ndeu. Daengx aen hanghmoeg guh 3 bi nanz, yaek daengz bi 2023 guhbaenz ndaej yungh.

(Lingz Cungh)

● 1 nyied 6 hauh laj-byonghgoenz, Cingsih Si youq Yinzcanh Yangh Cinhyi Cunh banh aen yizsiz venjbaiz “aen cunh guhyienh daih' it buek Gvangjsih hwng bien fouq minz hengzdoengh”. Doengh bouxfucwz Bwzswz Si Minzcunghvej、Cingsih Si de guhdoih biengj baiz.

(Vangz Gingvwnz)